



Broj: UP1-03-07-3-19-83/15

Datum: 25.04.2016. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji (Javna nabavka konsultantskih usluga otvorenim postupkom za implementaciju projekta „Jačanje kapaciteta za strateško planiranje i razvoj politika – faza II (SPPD II)“); broj: 05-14-3-59-9/16 od 01.04.2016. godine i Odluke o davanju saglasnosti na prijedlog Odluke o dodjeli ugovora za nabavku konsultantskih usluga za implementaciju projekta „Jačanje kapaciteta za strateško planiranje i razvoj politika – faza II (SPPD II)“ broj:05-14-3-59-10/16 od 01.04.2016. godine, u ponovljenom postupku postupajući po Rješenju Ureda za razmatranje žalbi broj: JN2-01-07-1-54-11/16 od 03.03.2016. godine, Koordinator za reformu javne uprave u BiH donosi

## ODLUKU

### **o dodjeli ugovora za nabavku konsultantskih usluga za implementaciju projekta „Jačanje kapaciteta za strateško planiranje i razvoj politika – faza II (SPPD II)“**

#### **Član 1.**

Ugovor za implementaciju projekta „Jačanje kapaciteta za strateško planiranje i razvoj politika – faza II (SPPD II)“ dodjeljuje se ponuđaču – grupi ponuđača „Djikić consulting services d.o.o. Sarajevo i Lucid Linx d.o.o. Sarajevo“, a po prihvaćenoj ponudi ponuđača br: UP1-03-07-3-19-42/15 od 09.11.2015.godine, po provedenom otvorenom postupku javne nabavke.

#### **Član 2.**

Ugovor za implementaciju projekta „Jačanje kapaciteta za strateško planiranje i razvoj politika – faza II (SPPD II)“ zaključit će se po cijeni prihvaćenoj u ponudi ponuđača i to: 1.762.996,95 KM sa PDV-om.

#### **Član 3.**

Ova Odluka stupa na snagu na danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.



## Obrazloženje

Ured koordinatora za reformu javne uprave pokrenuo je otvoreni postupak javne nabavke usluga za implementaciju projekta „Jačanje kapaciteta za strateško planiranje i razvoj politika – faza II (SPPD II)“ i to Odlukom o pokretanju postupka javne nabavke broj: UP1-03-07-3-19-1/15 od 18.09.2015. godine. Obavještenje o javnoj nabavci objavljeno je na portalu javnih nabavki broj: 1438-1-2-17-3-5/15 od 22.09.2015. godine. Također informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, web stranici akta.ba, ceppei.ba i briefing.ba, te u dnevnim novinama Dnevni avaz, Dnevni list i Nezavisne novine. Po provedenom postupku, Ured koordinatora za reformu javne uprave je dana 12.01.2016. godine donio Odluku o dodjeli ugovora za nabavku konsultantskih usluga za implementaciju projekta „Jačanje kapaciteta za strateško planiranje i razvoj politika – faza II (SPPD II)“ kojom je ugovora dodijeljen ponuđaču – grupi ponuđača „Privredna štampa d.o.o. Sarajevo, Planet S.A. Athens, Grčka i Ekonomski institut a.d. Beograd“. Na navedenu Odluku jedan od ponuđača i to ovlaštenu predstavnik grupe ponuđača „Djikić consulting services d.o.o. Sarajevo i Lucid Linx d.o.o. Sarajevo“ Djikić consulting services d.o.o. Sarajevo uložio je žalbu dana 22.01.2016. godine. Žalba je od strane ugovornog organa ocijenjena kao neosnovana te je zajedno sa Izjašnjenjem na žalbu i relevantnom dokumentacijom prosljeđena Uredu za razmatranje žalbi. Dana 07.03.2016. godine Ured koordinatora za reformu javne uprave je zaprimio Rješenje Ureda za razmatranje žalbi broj: JN2-01-07-1-54-11/16 od 03.03.2016. godine kojim je usvojena žalba, poništena odluka ugovornog organa o dodjeli ugovora i predmet vraćen prvostepenom organu na ponovni postupak.

U ponovljenom postupku nabavke postupajući po Rješenju Ureda za razmatranje žalbi, Komisija je izvršila evaluaciju pristiglih ponuda te konstatovala slijedeće:

1. Ponuda ponuđača - grupe ponuđača „Cedes d.o.o. Sarajevo i GDSI Limited, Galway, Ireland“ **ne ispunjava uslove utvrđene u tenderskoj dokumentaciji** iz razloga koji su već konstatovani u Izvještaju o evaluaciji broj: UP1-03-07-3-19-49/15 od 23.11.2015. godine, te je ponuda navedenog ponuđača neprihvatljiva.
2. Ponuda ponuđača – grupe ponuđača „UG Eda – agencija za razvoj preduzeća Banja Luka, Innova d.o.o. Sarajevo i Preduzeće za konsalting i intelektualne usluge HD Evropska konsalting grupa d.o.o, Beograd Srbija“ **ispunjava sve uslove** utvrđene u tenderskoj dokumentaciji, te je ponuda navedenog ponuđača prihvatljiva.
3. Postupajući po Rješenju Ureda za razmatranje žalbi, u ponovljenom postupku, Komisija je izvršila pregled i evaluaciju ponuda ponuđača – grupe ponuđača „Djikić consulting services d.o.o. Sarajevo i Lucid Linx d.o.o. Sarajevo“ te konstatovala da ista **ispunjava sve uslove** utvrđene u tenderskoj dokumentaciji. Naime, Komisija je prvobitno ocijenila da ponuda navedenog ponuđača ne ispunjava uslove iz tačke 7.4.2. c) 1.1.8. tenderske dokumentacije za ključnog ekspera 1. kojom je traženo slijedeće: „Ovjerene fotokopije odgovarajućeg dokaza o posjedovanju iskustva u pripremi i realizaciji najmanje tri programa obuke državnih službenika sa učešćem najmanje 100 državnih službenika po programu.“ iz razloga što iz dostavljenih dokaza nije bilo vidljivo da predloženi ključni ekspert 1 posjeduje iskustvo u pripremi i realizaciji tri programa obuke državnih službenika sa učešćem najmanje 100 državnih službenika po programu, kao što je traženo tenderskom dokumentacijom. Ured za razmatranje žalbi je u svom Rješenju naveo da je na stranici 163 i 164 ponude navedenog ponuđača priložena *Potvrda o zaposlenju* izdata

